



Broj: 02-11-4-994-1/26
Goražde, 14.04.2026.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za dostavljanje ponuda za izvođenje radova na rušenju objekata (lot1 i lot2), Gradonačelnik Grada Goražda donosi:

O D L U K U

o prihvatanju ponude ponuđača „Okac” d.o.o. Goražde za ustupanje radova na rušenju objekta na parceli označenoj sa k.č. 2111/10 KO Goražde I u ul. Meha Drljevića bb u Goraždu (lot 1)

I

Ovom Odlukom se, nakon provedene tenderske procedure za ustupanje građevinskih radova na rušenju objekata za potrebe Grada Goražde za Lot 1 – Ustupanje radova na rušenju objekta na parceli označenoj sa k.č. 2111/10 KO Goražde I u ul. Meha Drljevića bb u Goraždu, prihvata ponuda ponuđača „Okac” d.o.o. Goražde čija cijena ponude nakon održane e- aukcije iznosi 2.950,00 KM bez PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, ugovorni organ će pozvati izabranog ponuđača radi zaključenja odgovarajućeg ugovora kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije potpisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama u skladu sa tačkom 3.1.4. TD, kao i original ili ovjerenu fotokopiju važećeg ovlaštenja za obavljanje predmetne djelatnosti izdatu od strane nadležnog organa kako je to predviđeno tenderskom dokumentacijom.

Ukoliko odabrani ponuđač ne postupi u skladu sa gore navedenom obavezom ugovorni organ će ponuditi zaključenje ugovora drugorangiranom ponuđaču.

O b r a z l o ž e n j e

Gradonačelnik Grada Goražda je dana 25.03.2026. godine donio Posebnu odluku o pokretanju postupka javne nabavke radova na rušenju objekata za potrebe Grada Goražde broj 02-11-4-4800-10/26 po lot-ovima:

Lot 1 – Ustupanje radova na rušenju objekta na parceli označenoj sa k.č. 2111/10 KO Goražde I u ul. Meha Drljevića bb u Goraždu,

Lot 2 – Ustupanje radova na rušenju poslovnog objekta vlasništvo Grada Goražde-kiosk u naselju Vitkovići.

Na osnovu navedene odluke Obavještenje o javnoj nabavci broj 413-7-3-17-3-46/26 objavljeno je na portalu javnih nabavki dana 27.03.2026. godine, dok je Sažetak navedenog obavještenja objavljen u Službenom glasniku BiH 25/26.

Tenderska dokumentacija za ovu nabavku je objavljena takođe na portalu javnih nabavki i istu je preuzelo 8 (osam) zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 07.04.2026. godine.

Komisija za provođenje procedure javne nabavke imenovana Rješenjem Gradonačelnika Grada Goražda broj 02-11-4-994/26 od 25.03.2026. godine dostavila je izvještaj o pregledu i ocjeni ponuda iz kojeg se vidi sljedeće:

- da su u ostavljenom roku za dostavljanje ponuda za izvođenje građevinskih radova na rušenju objekata za potrebe Grada Goražde za lot 1 – Ustupanje radova na rušenju objekta na parceli označenoj sa k.č. 2111/10 KO Goražde I u ul. Meha Drljevića bb u Goraždu, ponude dostavili ponuđači "Okac" d.o.o. Goražde i "Markan" d.o.o. Goražde;
- da dostavljene ponude gore navedenih ponuđača ispunjavaju uslove postavljene tenderom u pogledu formalno pravne ispravnosti, uslove u pogledu lične situacije i sposobnosti za obavljanje profesionalne djelatnosti;
- da je dana 10.04.2026. godine u 12:00 sati održana e-aukcija, te da je nakon održane e-aukcije u skladu sa kriterijem za dodjelu ugovora „najniža cijena“ utvrđena rang lista uspješnih ponuđača kako slijedi:

R. br.	Naziv ponuđača	Konačna cijena ponude nakon održane e-aukcije bez PDV-a
1.	„Okac“ d.o.o. Goražde	2.950,00 KM
2.	„Markan“ d.o.o. Goražde	3.000,00 KM

- da je ponuda ponuđača „Okac“ d.o.o. Goražde sa cijenom ponude u iznosu od 2.950,00 KM bez uračunatog PDV-a, nakon održane e-aukcije, prema kriteriju „najniža cijena“ ocjenjena kao najpovoljnija za ugovorni organ.

Komisija za provođenje postupka javne nabavke građevinskih radova na rušenju objekata za potrebe Grada Goražde, predložila je za lot 1 – Ustupanje radova na rušenju objekta na parceli označenoj sa k.č. 2111/10 KO Goražde I u ul. Meha Drljevića bb u Goraždu donošenje Odluke o prihvatanju ponude ponuđača „Okac“ d.o.o. Goražde budući da je ponuda navedenog ponuđača na osnovu rezultata pregleda i ocjene ponuda, ocjenjena kao najpovoljnija za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom, uz dokaz o plaćenju naknadi za pokretanje žalbenog postupka.

DOSTAVITI:

1. Ponuđačima,
2. web stranica ugovornog organa
3. u spis,
4. a/a

